



Pele Broberg, Naleraq
Inatsisartunut ilaasortaq

**Kalaallit Nunaanni nunat inoqqaavi taakkulu pisinnaatitaaffii pillugit § 37
naapertorlugu apeqqummut nr. 52-imut akissut**

12-06-2025

23. maj 2025-mi Kalaallit Nunaanni nunat inoqqaavi taakkulu pisinnaatitaaffii pillugit
Naalakkersuisunut tallimanik apeqquteqarputit.
Apeqqutit uannit akisassanngorlugit innersuunneqarput.

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

**1. Kalaallit Nunaannit Nunap Inoqqaaviusut "Inuit", sulii inatsisitigut kisiartaallutik
Kunneqarfik Danmarkip ataani Nunap Inoqqaajunerannut Naalakkersuisut
tamakkiisumik paatsuugassaangitsumillu isumaqataappat?**

Akissut:

Namminersorneq pillugu inatsisip aallaqqaasiutaani inuiaat kalaallit nunat tamalaat isumaqatigiissutaat naapertorlugu namminneq aalajangiisinnaassuseqarlutik inuiaanerisa aalajangersarneqarnerat naqissuserneqarpoq. Kalaallit Nunaata namminiilivinnissaa pillugu aalajangerneqarpoq kalaallit inuiannit aalajangerneqassasoq Inatsimmi tassani § 21-mi aalajangersagaqarpoq, namminiilivinnissaa Kalaallit Nunaanni inuiaqatigiit taasinerisigut akuersissutigineqaaqarnissaa piumasaqaataasut akornanniimmat. Innuttaasunik taasitsinerimi kina peqataanissamut pisinnaatitaaffeqassanersoq Inatsisartunit aalajangerneqartarpoq. Apeqqutit akineranut tamatuma saniatigut inatsisitigut allamik tunngavissaqanngilaq.

**2. Naalakkersuisut Kalaallit Nunaanni Nunap Inoqqaajussutsimut
nassuiaateqarnerminnut, ilaatigut ILO 169 inatsisinngornikuunera najoqqutaraat?**

Akissut:

Nunat tamalaat akornanni Sulisartut Kattuffissuata Isumaqatigiissutaa nr. 169, 28. juni 1989-imeersoq naalagaaffinni nunat inoqqaavinut naggueqatigiinnullu tunngasoq kunneqarfirmut tamarmut atuuttussatut kunngip 18. januar 1996-imi aalajangerneqarneratigut atuutilersinneqarpoq. Isumaqatigiissutit taassanilu nunat inoqqaavisa artikel 1-imi nassuiarnera tamatuma kingorna maani nunami inatsisaavoq atuuttoq Naalakkersuisullu inatsisinut isiginninnerannut tunngaviliisuusoq. Eqimattat isumaqatigiissummi matumani aalajangersakkani pineqartut aalajangiiffiginissaannut

inuit imminnut nunat inoqqaavisut immi isiginerat tunngaviummik piumasaqaa-
taassasoq nassuiaammi ilaatigut aalajangersarneqarpoq.

3. Kalaallit Nunaanni Nunap Inoqqaaviummik "Inuit", taamatullu Inoqqaaviumngitsumik, innuttaasorparpa? Una taamaallaat aap imaluunniit naamimik akeqquneqarpoq.

Akissut:

Apeqquutinut 1-imut aamma 2-mut akissutini akissut takuneqarsinnaavoq.

4. Isumaginninnermut, Suliffeqarnermut, Nunamullu Namminermut Avatangiisinullu Naalakkersuisoq, Bentiaaraq Ottosen (Atassut), tusagassiorfinnut nalunaarummi ilaatigut imatut oqaaseqarsimanera issuarneqarpoq: "*Nunap inoqqaavisut ilisimasavut [...] Siullertullu pisariaqassaaq Nunat Inoqqaavisa tusaaneqarnissaat, ataqqineqarnissaat peqataativissorneqarnissaallu qulakkeerneqassasoq*"2. Naalakkersuisup issuarneqarluni oqaatigisimasai, ilaatigut Kalaallit Nunaanni kikkut Nunap Inoqqaajunersut nalunaarutigineqartoq ilutigalugu, maanna una apequtigineqarpoq: a. Naalakkersuisuinnaangitsut innuttaasulli allat suut tunngavilersuutigalugit Kalaallit Nunaannit Nunap Inoqqaavisut "Inuit"-tut nalunaaruteqarsinnaatitaappat inatsitigullu taakkununga atuutsinneqartunit illersugaasinnaatitaassappat? Uani Naalakkersuisut inatsisit atuuttutut najoqqutaralugit allaffissornikkut qanoq periuseqartoqarnersoq akeqquneqarput.

Akissut:

Kalaallit Nunaanni inatsitigut innuttaasut assigiimmik piginnaatinneqarlutillu pisussaaffeqarput, oqaatigineqartutut inatsimmik atuuttumik "nunat inoqqaavuinnaq atuuttumik" akuersisoqarnikuunngimmat.

Apeqqummut 1-imut aamma 2-mut akissutit aamma innersuussutigineqarput.

5. Innuttaasut, Kalaallit Nunaannit Nunap Inoqqaaviummik "Inuit", Nunatsinni Nunap Inoqqaaviumnerminnut "Inuit" allakkatigut akuerineqarnissaminnut piumasaqarunik, akisussaaffiginnilluni oqartussaasumit pissarsisnaatitaanissaminnut pisinnaatitaaffeqarpat?

Akissut:

Apeqqummut 2-mut akissummi akissut takuneqarsinnaavoq.

Inussiarnersumik inuullaqqusillunga


Jens-Frederik Nielsen
Naalakkersuisut Siulittaasuat